

Referat frå styremøte fredag 19. februar 2015 kl. 15.00 – 18.30.

Møtet vart halde på Statens Hus, Lillehammer.

Deltakarar: Arnfinn Beito, Anne Kari Veikleengen, Bjørn Even Stenberg, Ellen Marie Syse, Tore Krogsveen, Hans Bernhard Jahren, Håkon Rogne og Pål Kjørstad.

Sak 16/2015: Referatsaker

Stutt referat frå styremøte i forkant av årsmøte på Dombås 13/02 2015:

Styret i OSG tok siste finpuss på planlegginga av og organiseringa av årsmøtehelga. Styret vedtok forslag til vedtak i saker på årsmøtet i Oppland Sau og Geit 14/02 2015. Ellen M Syse hadde forfall og 1. varamann Bjørn Even Stenberg møtte.

Evaluering av årsmøtehelga:

Positivt: God dansemusikk, vellykka seminar med stor pluss til gjetarhunddelen og jordskiftedommaren, og generelt godt gjennomført årsmøtehelg. Hotellet hadde sett av helga til oss og hadde ingen problem med seine avbud/påmeldingar.

Ta med av erfaringar til neste gong: Årsmøte i Ring 41 bør utvidast med ½ time i programmet, deltakarane må få eit rundstykke og ein kaffikopp da dei kjem fram, deltakarliste var ønskjeleg. Generelt var vi litt uheldige med sjukdom i regionen og om lag 10 personar trekte seg i siste liten. Neste gong har vi alt fått spørsmål frå 2 som vil syna fram ull-produkt, og i tillegg må vi få på plass effektar frå NSG og kanskje nokre andre aktuelle aktørar.

Uttale frå årsmøtet: Denne vart det vedteke at vi skulle senda til: FM i Oppland, Rovviltnemnda i region 3, OB, OBS, NSG, NB, NBS, Klima og Miljødepartementet og Oppland Fylkesting.

- 1. Manglande handlingar i vedteke rovviltforvaltning skal ikkje føra til at beitebrukarar får restriksjonar i bruk av beiteretten sin.**
- 2. Etter at kvotejakta på jerv nå er avslutta og den alt for låge kvote ikkje ein gong vart teke ut, må forvaltninga nå setja i gang med mange nok hiuttak for å unngå store skader neste beitesesong.**
- 3. Uttaket av bjørn og ulv før beitesesongen må gjerast som i 2014. Føringar om at ulv må DNA-testas før eventuelt uttak må forkastas.**
- 4. Dagens rovviltforvaltning, med både dagens bestandsmål av dei ulike rovviltartane og den manglande forvaltninga av bestandane av rovvilt ned mot bestandsmålet, gjer at beitenæringa er ei truga og sterkt pressa næring. Dette må samfunnet ved makhavarane gjera noko med snarast for at den tosidige målsetjinga i rovviltforliket skal følgjast og ikkje minst for at matproduksjon basert på norske ressursar kan halda fram.**

Årsmøtereferatet for OSG og Ring 41 er lagt ut på heimesida.

Påmelding til landsmøte, ok med Anne Kari, Arnfinn, Bjørn Even, Tore og Ellen. Pål sender/hjelper til med påmelding.

Sak 17/2015:

Sluttføring av sak 9 c i årsmøtet i forhold til vedtaket i saka, der styret med tillegg av 2 valde personar fekk fullmakt til å slutføre høyringsuttala til NSG om revisjon av lagslovane.

Uttala vart vedteke som teke inn nedanfor og sendt NSG slik:

Eit utvida styre har i dag hatt møte om saka og kom fram til dette:

Generelt:

Det kan sjå ut til at høyringsutkastet er prega av at lovene har vorte endra mange gonger, og at eit meir djuptgåande og samanhengande lovdokument enn dette utkastet bør vedtakast på landsmøte. Oppland Sau og Geit var på årsmøte sitt òg innstilt på å forkasta lovutkastet og foreslå at NSG skulle setja ned eit nytt utval i arbeidet. Men da ein såg at dette kunne utsetja arbeidet i 2 år valde OSG å gå for eit forslag som omfattar mange rettingar i høyringsutkastet.

Oppland Sau og Geit saknar betre tid mellom årsmøta i organisasjonen, og synes at dagens modell med lokallagsårsmøte, fylkesårsmøte og landsmøte med så stutte mellomrom hindrar organisasjonen å kjøra viktige saker gjennom systemet same året. Det hindrar òg til dømes at saker fylkesårsmøte tek opp ikkje kan nå fram til landsmøtet same året. Vi set dermed fram forslag på nye datoar/fristar for «årsmøta» i 2 av organisasjonsledda.

Forslag på ny årsmøtekalenderen for NSG vert fremma slik i forslaget til rettingar i høyringsutkastet: (Vi set opp desse punkta fyrst for å forklara omveltinga)

Frist for lokallagsårsmøte: Det same som setninga i § 13. og det same som før: **«Ordinært årsmøte skal haldast innan 1. februar kvart år».**

Frist for fylkesårsmøte: **2. setning i § 17:** endrast til: **«Ordinært årsmøte skal haldast innan 31. mars kvart år».**

Frist for landsmøte og representantskapsmøte: **Fyrste setninga i høyringsutkastet i § 8** endrast til: **«Landsmøtet er øvste styrande organ i NSG og skal ordinært avviklas 2. kvart år i siste halvdel av juni.»**

Så til rettingar og fyrst til §§ som skal/bør flyttast:

§ 5 og § 7 foreslår vi flytta til Kap. 5. Andre føresegner

Forklaring: Vi meiner at tvistar og reaksjonar overfor medlemmar ikkje høyrer heime i overordna mål.

I tillegg meiner OSG å ha dekning for at § 5 inneheld ein juridisk feil, der **«Høgsterettsjustitiarius» må skiftas ut med «Tingretten i»** (Dvs. næraste tingrett til Ås der NSG har adressa).

§ 20 og § 21 foreslår vi flytta til Kap. 1. Overordna mål.

Forklaring: Vi meiner at desse §§ kan syast inn i § 1 og § 2. Vi ber likevel lovutvalet om å sjekka siste setning i høyringsutkastet i § 1 opp mot «eige og drive sideaktivitetar» i § 20.

§ 23: Denne § foreslår vi at fyrste del vert flytta til § 2: 1. setninga endras til «NSG sin rekneskap i alle organisasjonsledd skal følgje kalenderåret»

Andre del: «Rekneskapen for NSG sentralt skal reviderast av ein vald revisor» foreslår vi flytta/kuttast ut: **§ 17 i nytt punkt under «Årsmøtet skal»** Punktet skal heita: **«Velgje revisor»**. Dermed vil det stå rett for fylkeslaget, slik at det stemmer med § 13 punkt 10 der dette er nemnt for lokallag, og i § 8 punkt 16 der dette er nemnt om landslaget. § 23 foreslår vi dermed at skal gå ut.

§24 er vi i tvil om, men denne burde kanskje vore flytta til Kap 2, som ei forklaring/rettleiing etter punkta under «Landsmøtet skal».

§ 25 foreslår vi flytta til under § 12 Lokallag.

Forklaring: I § 12 er emnet alt teke opp og § 25 vil fullføra dette.

Så til rettingar i dei einskilde §§:

Viser her til fyrste del i høyringa vår i § 8 og §17, som vi ikkje tek oppatt under dette punktet.

§ 3 Medlemskap: I sjølve § foreslår vi at det skal vera 2 medlemskategoriar:

«Hovudmedlem» og «Støttemedlem». Resten av detaljane rundt medlemskategoriar og ordningar rundt dette foreslår vi flytta og konkretisert under § 6. Kanskje til og med under punktet «Styret i NSG utformer særskilde reglar.....»

Forklaring: Dette punktet kan takast inn i vedtektene som eit punkt styret kan endra ettersom utviklinga i samfunnet går med omsyn til struktur og organisering.

Siste setninga i § 3 foreslår vi endra til: «Deltaking i aktivitet i regi av NSG krev medlemskap dersom ikkje anna er bestemt. Aktivitet knytt til hald av sau og geit krev at ein er hovudmedlem og aktivitet knytt til gjetarhund krev at ein er støttemedlem».

I diskusjonen i Oppland kom òg ei anna medlemsgruppe inn i diskusjonen. Vi har ikkje noko forslag til endring, men ber lovutvalet om å tenkja på om det kan krevjast støttemedlemskap for saueklipparar?

§ 6 Medlemskontingent er delvis litt samanrørt med § 3, men vi foreslår at dette vert halde som eige §.

Fyrste setninga rettas i forslaget vårt ordet «mars» til «juni». Forklaring: samsvar m/landsmøtetida.

Andre setninga i høyringsutkastet: Her strykast «gjetarhund» i samsvar med kva vi sa i § 3.

Under «Styret i NSG» foreslår vi detaljerte formuleringar om medlemskategoriar:

Dette foreslår vi enkelt kan endrast av styret kvart år utan å gå om ei vedtektsendring ved at styret utformer reglar for medlemskap, medlemskategoriar og definisjonar i eige skriv. Dette

skrivet må da innehalda definisjonar for medlemskap for organisasjonsformer og enkeltpersonføretak, og i tillegg:

Hovudmedlem

1. Skal vera delt slik som i dag med over og under 50 sau/geit med lågare kontingent for dei med færre dyr.
2. Medlemmar under 25 år er definert som hovudmedlemmar og betalar som støttemedlem m/blad. (Dette som ei gest til ungdommen/rekrutteringa)
3. Æresmedlemmar er definert som hovudmedlemmar.

Støttemedlem

1. Utan blad og samanslåing av dagens støttemedlem og husstandsmedlem - lågast pris
2. Med blad, skal tilsvare at bladet vert betalt + vanleg støttemedlemskontingent.

Merknad: Støttemedlemskap i forhold til gjetarhund: Her skal etter forslaget vårt den einskilde sjølv kunne bestemma om dei vil vera støttemedlem med eller utan blad.

§ 9: OSG foreslår at ordlyden i § vert utvida med ei setning mellom dei 2 som står. Den nye setninga skal lyda: «**Styret i NSG kan kalla inn til ekstraordinært landsmøte dersom det er fleirtal for det i styret.**»

§ 11: Det er gjort ei endring i vedtektene i § 6 Medlemskontingent. Vi foreslår at dette vert synt som eit nytt punkt under «**Styret skal**» med ordlyden: «**Styret kan endra reglar for medlemskap, medlemskategoriar og medlemsdefinisjonar under § 6 Medlemskontingent når dei finn grunn til det. Vedtaket må skje i samband med endringar i medlemskontingenten.**»

§ 13: 2. avsnitt: Forslag til ny tekst: «**Årsmøte med sakliste skal kunngjerast med minst 14 dagars varsel til medlemmene på hensiktsmessig måte.**»

§ 14: Under «Styret skal mellom anna»: punkt j:

Forslag: Punktet endras til: «**Årsmelding og rekneskap skal sendast fylkeslaget innan 15. februar.**»

Forklaring: Vi synest at strategi/arbeidsplan vert litt for mykje.

§ 17: Under «Årsmøtet er samansett av»

Forslag: Fyrste setning etter strekpunkt endras til: «**Utsendingar frå lokallaga**»

Forklaring: Ein kan ikkje låse seg med at lokallagsleiaren må koma.

§ 18: Siste setning før «Styret skal mellom anna»: Presiseras og endrast til: «**Styret er vedtaksført når 3 av 5 møter, men vedtaka krev da at alle stemmer for vedtaket.**»

Forklaring: Samstemt med § 14 2. avsnitt og § 11 4. avsnitt i høyringsutkastet.

§ 26: Siste setninga foreslår vi **endra frå 3 til 2 månader.**

Forklaring: Dette for og ikkje låsa organisasjonen med for lange fristar.

Resten av høyringsutkastet foreslår vi skal stå som det er.

Sak 18/2015: Arbeidsplan 2015 – styremøtedatoar og framdrift av aktuelle saker

Forslag til aktuelle saker å starta med nå er understreka, saker i feit skrift er gjort/starta med.

- A) **Innspel til jordbruksforhandlingane 2015**
- B) Delta på styremøte, årsmøter og medlemsmøter i lokallag som spør om det
- C) Bidra til god kontakt/samarbeid med NSG, Nortura, Tine, Fylkesmannen, nabofylkeslag, Oppland Bondelag, Oppland Bonde- og Småbrukarlag
- D) Bidra i arbeidet for økt oppslutning om sauekontrollen
- E) Medlemsverving – mål >1200 medlemmer også i 2015
- F) Oppdatering av heimesida, inkludert rovviltartikkelen
- G) Søke FKT-midlar, midlar frå «Tilskot til tiltak i beiteområder» og andre midlar til drift av Oppland Radiobjøllelag
- H) Vidareføra engasjementet og kontaktnettverket i rovviltarbeidet
- I) Gjennomføre styremøter etter oppsett plan
- J) Planleggja kontaktmøter/regionmøter i 2015/16 og seminar/årsmøte i mars 2016
- K) Arbeida med utfordringar til gjerdning/gjerdeplikt, spesielt mot utmark (seminar)**
- L) Arbeide med rekruttering til næringa – tiltak for unge småfebønder
- M) Bidra i NM-arrangementet i bruk av gjetarhund 2015
- N) Bidra med politisk påvirkning

Punkt C: Sponsoravtale m/Nortura var oppe til drøfting. Til innleiing vart det peika på at ein laut gå varleg fram for å halda på medlemmane våre, både dei som er Nortura-leverandørar og leverandørar til private slakteri. I utgangspunktet er det samla inn ei oversikt som syner dette om kvar aktive småfeleverandørar i Oppland sendte slakta sine i 2014:

Nortura: 988 stk (kjelde: Arnfinn Beito)

Furuseth: 338 stk (kjelde: Tor-Arne Rønning, Furuseth AS)

Fatland: 90 stk, (kjelde: Berit Pettersen, Fatland)

Nordfjord Kjøtt: 58 stk (kjelde: Vibeke Mo, Nordfjord Kjøtt)

Sum: 1474 stk, (merknad: dette er fleire produsentar enn vi har i Oppland)

Mail kome inn frå Furuseth AS v/Harald Furuseth der han lurar på samarbeidet vidare mellom OSG og Furuseth AS etter reaksjonen med annonsen i årsmeldinga. Arnfinn tok på seg å svara Furuseth med at OSG venta på innspel frå lokallaga m/tidsfrist 2. mars. Vidare vart styret einige om at dei måtte få inn innspel til sponing frå andre aktørar og få inn innspel om kor mykje Nortura region øst gjev andre fylkeslag og kva medlemmane i OSG vil. Prisen på annonsen på heimesida vart diskutert og vurdert å høgda.

Punkt G: Vi skal søkja på FKT-midlar og midlar til «Tilskot til tiltak i beiteområder» til finansiering av innkjøp av utstyr til Oppland Radiobjøllelag. Fristen er 01/03 2015. Pål ordnar dette. Styret vil prøve å finna ei ny finansieringskjelde til innkjøp av elektronisk utstyr, da etterspurnaden til slikt utstyr er stor blant medlemmane våre. Sjølv om potten i baa søknadsordningane har gått ned vedtok styret å søkja om det same som i fjor, til saman kr. 500.000. Styret drøfta vidare om fylkeslaget kunne låne ut eit beløp stort kr. 200.000 til Oppland Radiobjøllelag til innkjøp av utstyr, og få krevja litt betre rente enn banken gjev på innskot. Dette vert teke opp til styrevedtak på neste styremøte.

Punkt F: Styret vedtok å søkja OB og OBS om midlar til å støtta rovviltartikkelen vår med kr. 5.000,- kvar dette året òg. Arnfinn ordnar dette.

Punkt I: Styremøter etter oppsett plan

2014: 23/01, 25/03, 27/04 (tlf-møte), 12/06, 12/08, 09/10 og 21/11.

2015: 22/01, 19/02, vidare plan vart vanskeleg og einast om. Vi bruker omtrent malen frå i fjor. Neste styremøte må vera i løpet av mars. Det vart vedteke å halda styremøte rundt om i fylket dette året. Da kan lokallag bedast inn, og kanskje kan vi òg koma ut i skuleklassar med info om produksjonen vår.

Punkt M: Bidrag i NM i gjetarhund 2.-4. oktober 2015. OSG har vorte spurt om dei kan bidra med programhefte. Pål har avtala med Bekkevold Lyskopi om arbeidet. Hftet kan lagast nesten ferdig, og ekvipasjar har frist 26/09 til påmelding. NSG v/Cathinka Kjelstrup lovar korrekt liste 28/09, som Pål får og limer rett inn i ferdigstilt hefte.

Anne Kari orienterte frå NM-komiteen, som skal ha møte fyrstkomande onsdag. OSG får etter kvart opplysningar om sponsorar, heftestørleik og kva anna heftet sjal innehalda. Styret vedtok òg at dei vil ordna til ein rollup m/tema gjetarhund, og eit segl m/segldukshol (4-5m) som fylkeslaget kan bruka ved arrangement. Pål spør Bekkevold om dette oppdraget. Norgesserien er innmeldt.

Sak 19/2015: Eventuelt:

Rettighetene til tillitsvalde på «minside» hos NSG vart diskutert. OSG vil sjå på om tillitsvalde kan hjelpa medlemar som ikkje er datakyndige med hjelp til retting etc.

Lillehammer, 19/02 2015, Pål Kjørstad, sekretær.